

مزامير

خوداوندا، دِتر نوکون

۷۰ پيله رهبرِ وسي کی سرود خوانانَ هيدايِت کونه. داوودَ مزموِر يادگار ره

۱ خودايا، مي نجاتِ وسي عجله بوکون،

اي خوداوند، هر چي زودتر مَر کومک بوکون!

۲ اوشانی کی قصدِ مي جانِ دأريدي

شرمنده و خجالت زده بيبيد.

اوشانی کی آرزو دأريدي مي زندگي تير و تار بيه،

اوشانِ واگرديد و روسوا بيبيد.

۳ اوشانی کی مَر مسخره کونيدي،

خجالتِ خوردنِ وسي واگرديد خوشانِ جا سر.

۴ ولي اوشانی کی تي دونبال گرديدي،

تي مره شاد بيبيد و ذوق بوکونيد.

اوشانی کی تي نجاتِ دوس دأريدي

مرتب بيگيد:

«خودا عظيم ايسه!»

۵ ولي من ستم بيده و محتاجم،

خودايا، هر چي زودتر مي ورجه بيا!

تو کی مَر کومک کوني و خلاصَ کوني

اي خوداوند، دِتر نوکون!